

# 七 娛



七娛

長洲沈清瑞芷生著

憶香曼士坐於八瓊之圃燕燕絮春箏月午儷花二六作為  
軟語有玉未客者造適而問譜曰走間曼士之譜花也養踐芸  
粉條硯珠泉列龍賓為十二驅虎漢者三千廼引廳餐沆瑤思  
瓊想頌酒釋名遣琴練響暝寫白玉之臺晨校青羅之幌翻吳  
紉而長謠結漢佩而孫嘗迷金醉紙烟樵黛激走幸接密之娛  
歡乘餘日之暇蕩願薰香以暖詩買然以繡像為羣花者闕妍  
說麗博妙徵奇極嬌寵之樂獻珍重之私曼士有擇于斯乎曼  
士曰僕願聞之

客曰凌虛而鬱起者嘯鸞之臺也曠可以納遠賴峻可以截纖

埃吁乎其壯哉爾乃鱗鱗魚丸齒齒雁街物珊瑚以鎮箔拓琉璃而為階銜飛梁之火齋嵌層檐之碧瑰翡翠情不足語其飾芟文蓮藻無以喻其材綺疏洞房霧捲烟開曲瓊無聲春風去來畫檻深兮極窈窕步廊修兮憐裴回收波眾香是非一族圍圍護紅張屏對綠宇以鎮心之屏熨以辟寒之玉春樹比隣流鶯信宿此亦藏花之金屋也曼士其願之乎曼士曰未也

客曰古語有諸三世長者知服食陸毛水錯其命竇之極娛哉將為吾子臚段家之品魚郇公之厨則有虎掌奇稻蟬鳴早米紅麴爪州白飯雲子上風炊之香聞七里重味三和方丈斯陳千金鸞鷲之髀九沸猩猩之脣炙牛心而價貴羹駝蹠而製新金盤鱠鯉縷切紛綸素膚雪散紅肌綺分勻藥之醬釋醲助熏

調適五味大苦細辛但佐膏乎一七可寧體而安神今日良燕努力加餐置酒揖坐皆當喜歡於是挫糟凍飲飛觚動爵競女烏梅索郎柔落羅襦有薌瑣珥交錯朱顏既醅青春可樂此亦醉花之狂藥也曼士其願之乎曼士曰未也

客曰吳綿蜀錦齊縷秦篝織作之妙曠無其儔其上有鷓鴣對語蝶蝶交飛蒲桃旁生蓮華倒披連環瓊子之畫四角中央之詩層波累嶂之勢霏烟垂露之姿醒紅慘碧十色陸離爰進絲絕以弄技役針神使呈巧有赤霜之照爛無紫鳳之顛倒象尺量夜銅爐重曉裁縫熨貼美此手爪永條條而界紈風漪漪而含穀散輕烟之六銖輸玉塵之九斛團粉態于春妍寫鏡光于晨沐著之能膩膚卷之不盈握此亦襲花之奇服也曼士其願

之乎曼士曰未也

客曰初七下九士女鑿春歲時荆楚風土咸秦青山對郭垂楊  
覆津日高香遠風暖燕新座有琴子路有箏人攜手放歌樂哉  
茲辰據圓扇于皓腕走鈿車于紅塵逢家人之寒食臨春波而  
湔裙設水戲放中流釣具陳羽觴浮擢女唱榜童謳蕩漿開萍  
轉帆避鷗畫橋晚寒與花雜坐玉簫兩頭水荷千葉簾動鉤鉤  
隄交鎖鑽迷蓮葉之東西狎鴛鴦而夢妥此亦載花之畫舸也  
曼士其願之乎曼士曰未也

客曰鷓鴣然五色有玉鼻之盧郎馬瓊柱六雙有銀甲之秦孃焉  
加以桃根吹管菱角炙黃瑩篴北里長笛東箱腰鼓三換眉璣  
八琅宮羽繁會為樂之方聯雲中之白月忽流素兮滿堂走七

槃之妙舞狀翠曾而鸞翔動合蟬之環態耀墮馬之明珠垂手  
鄣袖歌聲繞梁歌曰當牕弄錦錦一箱織成複恨薦君床餘者  
差半匹裁為合歡裳度曲既終天寒漏長瑤草尚碧秋河已霜  
錯華燈而照夜搖羅綺于花光此亦娛花之歡塲也曼士其願  
之乎曼士曰未也

客曰既登東南之樓以望夕景微霜吹衣華月出嶺青天無雲  
一雁墮影如此良夜可以戰茗百草之華露巖風清紫作雲茸  
碧為花乳小鳳團春輕蟬却暑微青桐君之錄窻桑苧翁之譜  
洗石甃于小泉沸地爐之紅雨飲之三斗身生毛羽頗聞佳茗  
味似佳人烟姿露態空小莫春抱孤香而不言寄毛女以為隣  
促坐相要分魁門曹憐吹鼎而心劇為繡經而腕勞丁香之根

四兩萱草之帶千條換骨潤肺容華助嬌此亦沃花之神膏也  
曼士其願之乎曼士曰未也

客曰然則吾子所願者居何等哉曼士曰夫翹春明珠元秋靈  
沉者絳晨之伏胎也洞淵紅蘼崑流素蓮者曠州之寒菱也僕  
願居以玉藥之坊藏以翠瓊之房覆以連琳之帳坐以女几之  
牀吟以太霞之曲諷以晨啟之章曷以供使帝有之烏曷以供  
食金光之草靈爪絳雪通仙是寶貽之半圭顏色常好若上客  
所說美矣妙矣孰與手交葉三華植根四照浴醜瑤波栖心丹  
竈兄碧奈而友綺蔥長含睇以宜笑也耶客撫席而起曰下走  
不簡徒此拳拳得飫輿論愧悅慮遷如游閨風高謁松陰天葩  
吐芬藻此碧田聚為珠英散為玉烟祝東風而酌酒願長駐乎

花年

